

Samostalni istraživački rad – Historija države BiH.

Samostalni istraživački rad iz predmeta Historija države BiH nosi 10 od ukupno 100 bodova na predmetu. Radi se o opcionom zadatku – studenti koji ne žele raditi rad, nisu ga dužni prijaviti.

Prijave se vrše putem maila: t.herenda@pfsa.unsa.ba. **Rok za prijavu seminarskog rada je 12.10.2023.**

Tehničke propozicije:

Samostalni istraživački rad iznosi ukupno 3 stranice, od čega maksimalno ½ stranice može biti izdvojeno za uvod i zaključak, odnosno 2,5 stranice odnose se na meritorna razmatranja/razradu teme.

Font: Times New Roman, 12 pt.

Spacing/prored: 1,15

Margine: normal (2,54 cm)

Reference/navođenje izvora: u fusnotama, veličina fonta 10. Stil citiranja, Chicago Manual of Style (vidi više na: <https://www.citationmachine.net/chicago>)

Kandidati su obavezni citirati svako preuzimanje tuđih ideja, koncepata ili podataka. Nisu dužni navoditi reference/citirati ukoliko se radi o podacima koji spadaju pod opće znanje ili dobro ustanovljene teorije i koncepte.

Prilikom korištenja izvora vodite računa o tome da Vaši izvori trebaju biti autoritativni, tj. osoba/osobe koje stoje iza određenog izvora trebaju biti prepoznati autoriteti u datoj oblasti. Anonimizirani izvori (kao npr. Wikipedia) nisu relevantni za ovaj rad. Potrebno je navesti minimalno tri izvora. U izvore se neće ubrajati fakultetski udžbenici.

Kriteriji za bodovanje:

Jezik i stil, kvaliteta argumenata, kvalitet izvora: 0-5 boda

Tehničke propozicije: 0-2 boda. Eventualna značajnija kršenja tehničkih propozicija mogu biti sankcionisana oduzimanjem bodova iz drugih rubrika.

Odbrana rada/razgovor o radu: 0-3 boda. Ukoliko se tokom odbrane ustanovi da kandidat_kinja ne vlada temom, to može rezultirati oduzimanjem bodova iz drugih rubrika. Prilikom rada očekuje se da kandidat_kinja vlada svim navodima iz svog rada (odbrani pristupate bez štampanog primjerka), kao i informacijama o tom periodu koje se mogu smatrati za opće znanje o tom periodu.

Ukoliko prilikom pregledanja rada ili usmene odbrane bude ustanovljeno da je rad plagiran,¹ kandidat_kinja ostvaruje 0 bodova.

Tema samostalnog istraživačkog rada za akademsku 2023/2024. godinu je „BiH u socijalističkom periodu – pozitivne i negativne posljedice“. Referentni period na koji se rad odnosi jeste 1946-1980. U radu navedite dvije posljedice djelovanja socijalističkih vlasti i komunističke ideologije. Jedna od posljedica mora biti pozitivna (npr. ekonomski razvoj), a druga negativna (npr. ideološki progon na Golom Otoku). Dvije posljedice koje su predmetom analize moraju biti u približnom balansu po svojoj važnosti. U radu ste slobodni davati svoj lični sud, ali je naglasak prevashodno na balansiranom pristupu kompleksnom periodu i pojavi.

¹ Plagijarizam predstavlja korištenje tuđih riječi, ideja ili djela bez odgovarajuće pripisivanja/referiranja, pri čemu se te tuđe sadržaje predstavlja kao vlastite. To uključuje kopiranje i lijepljenje teksta iz izvora bez izmjena, parafraziranje bez citiranja, te bilo kakvo drugo predstavljanje tuđeg rada kao vlastitog.

U uvodu je potrebno navesti razlog/e za izbor politika/posljedica koje su predmetom analize. U zaključku možete dati svoje refleksije o važnosti analiziranih politika u vremenu u kom su donesene, kao i danas.

U razradi teme, prilikom analiza konkretnih politika i posljedica, navedite zbog čega je određena mjera donesena (šta je bila motivacija donosilaca odluke), koji su ciljevi trebali biti ostvareni, šta su konkretne namjeravanje i nenamjeravanje posljedice itd. Ukoliko postoji više različitih perspektiva o istoj stvari, ponudite kraći pregled onih koje svi smatrate relevantnim, i dajte svoj sud o tome koja od navedenih perspektiva Vama kao čitaocu/istraživaču ima najviše smisla.

Pored redovnih konsultacija generalne prirode na koje kandidati_kinje imaju pravo, kandidati_kinje imaju pravo poslati **do 1 stranicu teksta na uvid i pregled, do 16.11**, popraćenu sa manjim brojem konkretnih upita/molbi za razjašnjenjem.

U izradi rada kandidati_kinje samostalno pronalaze literaturu.

Krajnji rok za dostavu završenog samostalnog istraživačkog rada je 30.11.2023, u 00:00 (do kraja dana). Rad dostavljate ISKLJUČIVO kao word file (doc ili docx).